



歷代帝王曆祚考卷之八

新安吳繼安康侯甫編輯

吳明春伯生甫攷正

孫用之爾行甫校閱

○大宋

始太祖建隆元年庚申至欽宗靖康元年丙午都汴京是爲北宋凡九帝一百六十七年高宗南渡自建炎元年丁未迄少帝德祐元年乙亥都臨安是爲南宋凡七帝一百四十

九年共三百一十六年并端宗衛王凡三百二十年胡元滅之

太祖皇帝姓趙名匡胤涿郡人其先黃帝孫高陽之後周穆王封造父於趙城因氏焉至漢京兆尹趙廣漢居涿郡世爲涿郡人祖敬歷營薊涿三州刺史父弘殷事後唐漢周三朝累官檢校司徒贈太尉生子五長曹王光濟蚤薨次太祖太宗魏悼王廷美岐王光瓚初太祖生於洛陽夾馬營赤光繞室異香經宿

不散體有金色三日不變長事周世宗累立戰功拜殿前都檢點顯德七年庚申春北漢結契丹入寇命出師禦之次陳橋驛兵變逼立太祖爲天子遂回軍受恭帝禪卽皇帝位改顯德七年爲建隆元年定有天下之號曰宋承周木德以火德王都汴今開封府追尊皇考爲宣祖武昭皇帝尊母杜氏爲皇太后封妹爲秦國大長公主改元三建隆三乾德五開寶八在位一十六年謚啓運立極英武

睿文神德聖功至明大孝皇帝葬永昌陵子
四滕王德秀燕懿王德昭舒王德林秦康惠
王德芳林芳皆蚤夭女六申國成國三公主
皆蚤薨餘封衛國魯國陳國皆大長公主

太宗皇帝名炅初名匡義後賜改光義宣祖第
三子初仕周至供奉官都知太祖卽位爲開
封尹封晉王開寶九年丙子太祖崩遂卽皇
帝位改是年爲太平興國凡八年又改雍熙
四端拱二淳化五至道三改元者五在位二

十二年謚神功聖德文武皇帝葬永熙陵子
九楚王元佐昭成太子元僖真宗商恭靖王
元份越文惠王元傑鎮恭懿王元偓楚恭惠
王元僖周恭肅王元儼崇王元億女七長滕
國公主蚤薨次封徐國邠國楊國雍國衛國
荆國皆大長公主

真宗皇帝名恒初名德昌太宗第三子姿表特
異左足指有文成天字比就學受經一覽成
誦始封韓王改名元休徙封襄王改名元侃

又進封壽王立爲皇太子至道三年卽位明年戊戌改元咸平六景德四大中祥符九又天禧五乾興一改元者五在位二十五年謚膺符稽古神功讓德文明武定章聖元孝皇帝葬未定陵子六溫王禔悼獻太子祐昌王祗信王祉欽王祈仁宗禔祗祈皆蚤夭女二長惠國公主蚤薨次封昇國大長公主

仁宗皇帝名禎初名受益真宗第六子李宸妃所生劉太后養以爲己子初封壽春郡王天

禧二年立爲皇太子癸亥卽位太后同御承明殿垂簾聽政改元者九天聖九明道二又景祐四寶元二康定一慶曆八皇祐五至和二嘉祐八在位四十一年謚體天法道極功全德神文聖武睿哲明孝皇帝葬未昭陵子三楊王昉雍王昕荆王曦皆蚤夭女十三長周陳國大長公主徐國鄧國鎮國楚國商國魯國唐國陳國豫國九公主皆蚤薨餘封秦魯國兗國燕舒國皆大長公主

歷代考 八卷
英宗皇帝名曙太宗曾孫商王元份子允讓封
濮安懿王生二十八子帝第十三年方四歲
仁宗養於宮中賜名宗實立爲皇太子嘉祐
八年卽位明年甲辰改元治平在位四年謚
體乾應曆隆功盛德憲文肅武睿聖宣孝皇
帝葬未厚陵子四神宗吳榮王顥潤王顏益
端獻王頽顏蚤夭女四封魏楚國魏國韓魏
國皆大長公主幼舒國公主蚤夭

神宗皇帝名頊英宗長子生於濮王宮祥光滿

室羣鼠吐五色氣成雲賜名仲鍼立爲皇太
子治平四年卽位明年戊申改元熙寧十又
元豐八改元者二在位一十八年謚紹天法
古運德建功英文烈武欽仁聖孝皇帝葬未
裕陵子十四成王侑惠王僅唐哀獻王俊褒
王仲冀王侗哲宗豫悼惠王价徐冲惠王侗
儀王偉八王皆蚤薨吳榮穆王似徽宗燕王
俱楚榮憲王似越王偲女十周國長公主唐
國長公主潭國賢孝長公主餘楚國鄆國潞

國邢國邠國兗國六公主蚤薨幼女封徐國長公主

哲宗皇帝名煦初名傭神宗第六子元豐八年立爲皇太子初太子宫中常有赤光至是卽位光益熾如火明年丙寅改元元祐宣仁高太后同聽政凡八年太后崩改元紹聖四年元符三改元者三在位一十五年謚憲元繼道顯德定功欽文睿武齊聖昭孝皇帝葬永泰陵子一獻愍太子茂三月而夭女四陳國

公主秦國康懿長公主鄧國楊國二公主蚤薨

徽宗皇帝名佶神宗第十一子初封端王哲宗無子元符三年皇太后稱遺制迎之卽位明年辛巳改元建中靖國一崇寧五大觀四又政和七重和一宣和七改元者六在位二十五年金兵犯闕禪位於皇太子自稱道君太上皇帝靖康元年出幸鎮江府四月還京師金人脅以止行紹興五年崩於五國城謚體

神合道駿烈遜功聖文仁德憲慈顯孝皇帝
子三十一欽宗堯王桎鄆王楷荆王楫肅王
樞荆王杞濟王栩益王棧高宗邠王材祁王
模莘王植儀王朴徐王棣沂王楞鄆王拱和
王棧信王榛漢王椿安康郡王握廣平郡王
捷陳國公機相國公挺瀛國公樾建安郡王
模嘉國公椅溫國公棟英國公榭儀國公桐
昌國公柄潤國公樅榿材拱椿機六王蚤
薨女三十四改公主號爲帝姬國號易以美

名長嘉德帝姬次榮德順淑安德茂德壽淑
惠淑安淑崇德康淑榮淑保淑成德洵德悼
穆顯德熙淑敦淑順德柔福申福寧福保福
賢福仁福和福永福惠福令福華福慶福儀
福純福恭福生纔周歲未行封隋國公主
北遷獨恭福生纔周歲未行封隋國公主
欽宗皇帝名桓徽宗長子政和七年十二月受
內禪卽皇帝位明年丙午改元靖康春二月
金兵圍京師議和退兵八月復來遂陷京師

金人脅帝與上皇太子及后妃諸王公主以
北行府庫圖籍寶器一空更立異姓張邦昌
為楚帝明年五月康王卽位於南京遙尊為
孝慈淵聖皇帝紹興三十一年崩問至謚恭
文順德仁孝皇帝子二長皇太子諶後在五
國城又生次子訓

高宗皇帝名構字德基徽宗第九子少朗悟讀
書日千餘言力能挽一石五斗弓初封康王
出質金軍請和金人異之疑帝為將家子遣

還後奉詔使金為磁州人擁留居相州受詔
為天下兵馬大元帥靖康元年二帝北行諸
王宗室盡從帝乃渡江趨於應天府尊元祐
孟太后為皇太后稱制明年丁未五月遂卽
皇帝位升杭州為臨安府都之改元建炎播
遷航海危而復安三年遷都杭州苗傅劉正
彥作亂尊帝為太上皇而立皇太子遂改元
明受凡一年尋討平之復改元紹興凡三十
二年共改元者二在位三十六年謚受命中

歷代考 八卷
興全功至德聖神武文昭仁宣孝皇帝葬於
會稽之末思陵子一元懿太子粵蚤薨養子
信王璩孝宗

孝宗皇帝名昚字元末初名伯琮太祖七世孫
初太祖少子秦王德芳生英國公惟憲惟憲
生新興侯從郁從郁生華陰侯世將世將生
慶國公令諡令諡生僉是爲秀王秀王生帝
會元懿太子薨高宗無嗣欲選立太祖之後
乃育帝於宮中封建王後立爲皇太子紹興

三十二年受內禪卽皇帝位明年癸未改元
隆興二乾道九淳熙十六改元者三在位二
十七年淳熙十六年二月詔傳位於太子退
處重華宮號至尊壽皇聖帝紹熙五年崩謚
紹統同道冠德昭功哲文神武明聖成孝皇
帝權櫜於會稽之末阜陵子三莊文太子愔
蚤薨魏惠憲王愷光宗女二長嘉國公主次
夭未封

光宗皇帝名惇孝宗第三子初封恭王莊文太

歷代考 卷八
子薨立之淳熙十六年二月受內禪卽位明年庚戌改元紹熙在位五年謚循道憲仁明功茂德溫文順武聖哲慈孝皇帝葬會稽之永崇陵子兗王浚蚤薨寧宗女三文安公主和政公主齊安公主皆蚤薨

寧宗皇帝名擴光宗第二子初封嘉王紹熙五年孝宗崩光宗以疾不能執喪趙汝愚等承御批內禪請太皇太后奉帝卽位於素幄改明年乙卯爲慶元元年改元者四慶元六又

嘉泰四開禧三嘉定十七在位三十年謚法天備道純德茂功仁文哲武聖睿恭孝皇帝葬會稽之永茂陵養子三景獻太子詢蚤薨鎮王竑理宗女祁國公主生六月而薨

理宗皇帝名昀初名貴誠太祖十世孫父希璪燕懿王德昭之後生帝於紹興府山陰縣是時寧宗從弟沂靖惠王薨無嗣以宗室希瞿賜名貴和爲沂王後嘉定十三年寧宗景獻太子薨乃立貴和爲皇太子賜名竑而以帝

嗣沂王後竑與丞相史彌遠有違言寧宗疾篤彌遠稱詔以貴誠爲皇太子封竑爲濟王寧宗崩遂嗣皇帝位改明年乙酉爲寶慶元年改元者八寶慶三紹定六端平三嘉熙四淳祐十二寶祐六開慶一景定五在位四十年謚建道備德大功復興烈文仁武聖明安孝皇帝葬會稽之宋穆陵無子女一封周漢國公主

度宗皇帝名禛賜字長源太祖十一世孫父嗣榮王與芮理宗同母弟也度宗生而資識內慧七歲始言言必合度理宗屬意焉賜名孟啓更名孜寶祐元年立爲皇太子景定五年卽位明年乙丑改元咸淳在位十年謚端文明武景孝皇帝葬會稽之宋紹陵子三吉王昚少帝信王昀

少帝名昀度宗嫡子咸淳十年卽位年四歲謝太后臨朝明年乙亥改元德祐在位一年大元兵逼臨安率百官奉表出降時德祐二年

二月也大元軍次錢塘江沙上潮水三日不至遂挾帝北行朝於上都封爲瀛國公其後無效初元兵未至臨安文天祥請以二王出鎮乃徙封昷爲益王判福州昷爲廣王判泉州至是帝降陳宜中等乃立昷於福州丁丑卽位改德祐三年爲景炎元年凡二年兵敗奔於碭洲尋殂謚曰端宗張世傑陸秀夫等又立衛王昺已卯卽位改元祥興凡一年敗於崖山陸秀夫抱帝赴海死二王共立四年

宋亡

謹按宋起太祖建隆庚申至元順帝至正丁未共計四百零八年

宋僭位改元三國

楚

張邦昌字子能永靜軍東光人舉進士累官大司成欽宗拜爲太宰金人犯京師以爲割地使質金靖康元年二帝北遷金乃冊立邦昌爲帝國號大楚擬都金陵卽僞位

凡四十餘日金師退納呂好問言請元祐
皇后垂簾聽政遣御史馬伸迎康王自去
帝號詣闕伏罪後高宗卽位貶潭州賜死
齊

劉豫字彥游景州阜城人世農業少無行建
炎二年除知濟南府豫不願行及金人攻
濟南縋城納款四年九月金冊立豫爲皇
帝國號大齊都大名府建元阜昌僭位八
年金執而廢之并其子麟徙於臨潢賜田
以居之至紹興十三年卒

蜀

吳曦信王璘之孫節度挺之中子慶元六年
韓侂胄謀開邊以曦知興州後朝廷議出
師以爲四川宣撫副使曦乃獻關外階成
和鳳四州於金以求封金人封爲蜀王開
禧三年遂僭位於興州乘黃屋差燾稱是
月爲元年治宮殿於成都凡九月隨軍轉
運安丙等謀誅之函首獻於京師

夏附

始拓跋思恭據夏州稱王起唐中和元年辛丑至宋雍熙元年甲戌九主凡九十三年自雍熙二年乙酉迄寶慶二年丁亥稱帝僭號凡十二主一百九十年共二百八十三年元滅之

拓跋思恭夏州人唐僖宗中和元年辛丑鎮夏州統銀夏綏宥靜五州以討黃巢有功賜姓李氏在位一十五年

李思諫思恭之弟唐乾寧三年丙辰自立爲畱後在位一十二年

李彝昌思恭之子梁開平二年戊辰立在位二年其將高宗益作亂被殺

李仁福彝昌族父爲蕃部指揮開平四年庚午彝昌卒衆推立之後封朔方王在位二十四年

李彝超仁福子後唐清泰元年甲午立在位二年

李彝興超之弟本名彝殷清泰三年丙申立
封西平王宋初加大尉在位三十二年

李克睿初名光睿彝興之子宋開寶元年戊
辰立 在位十一年

李繼筠克睿子太平興國四年己卯立 在位
二年

李繼捧筠之弟太平興國六年辛巳立 在位
四年 率族人入朝太宗甚嘉寵之因願留
京師後以弟繼遷屢為邊患委以邊事賜

姓名趙保忠反為繼遷所圖宋邊將執送
京師景德元年卒

太祖名繼遷繼捧族弟始祖思忠從思恭討
黃巢嘗射鐵鶴沒羽恃勇陣亡未受封四
世生遷於銀州無定河生而有齒年二十
值繼捧入朝召李氏皆赴闕乃詐遁招聚
豪族漸以疆大宋雍熙二年乙酉遂攻夏
州據之遼冊立為夏國王復歸款於宋賜
姓名趙保吉在位二十年屢寇宋邊後以

攻麟州中流矢卒追謚神武皇帝墓號裕陵

太宗名德明小字阿移太祖之子宋景德二年乙巳立奉表歸宋封西平王遼冊爲大夏國王在位二十六年追謚光聖皇帝墓號嘉陵

景宗皇帝名曩霄本名元昊小字鬼理太宗之子宋天聖九年辛未立自制番書以紀國事建元開運一廣運二大慶二遂卽皇

帝位改元天授禮法延祚十一屢寇宋邊後自歸款彼此休息在位一十七年謚武烈墓號泰陵

毅宗皇帝名諒祚景宗長子小字甯令哥宋慶曆八年戊子卽位年方四歲改元延嗣寧國一天祐垂聖三福聖二承道二禪都六拱化五在位二十二年謚昭英墓號安陵

惠宗皇帝名秉常毅宗長子宋熙寧三年庚

戊卽位年七歲梁太后攝政復叛宋入寇
改元乾道二天賜禮盛國慶五大安十一
在位二十年謚康靖墓號獻陵

崇宗皇帝名乾順惠宗長子宋元祐五年庚
午卽位年方三歲改元天儀治平四又改
天祐民安八末安三貞觀十三雍寧五又
元德八正德八大德五在位五十四年謚
聖文墓號顯陵

仁宗皇帝名仁孝崇宗長子宋紹興十四年
甲子卽位改元大慶四人慶五天盛二十
一乾祐二十四在位五十四年謚聖德墓
號壽陵

桓宗皇帝名純祐仁宗長子宋慶元四年戊
午卽位改元天慶在位八年爲弟安全所
廢尋殂謚昭簡墓號莊陵

襄宗皇帝名安全崇宗孫越王仁友之子宋
開禧二年丙寅廢兄自立明年改元應天
四皇建二在位六年謚敬穆墓號康陵

神宗皇帝名遵頊初名承禎齊國忠武王彥宗之子爲大都督府主宋嘉定五年壬申卽位改元光定在位十二年傳位太子自號上皇寶慶二年卒謚英文

獻宗皇帝名德旺神宗子宋嘉定十七年甲申卽位改元乾定在位二年

南平王名睨清平郡王之子宋寶慶二年丙戌卽位二年丁亥爲元太祖所滅夏亡

遼附

始太祖元年丁卯終天祚保大四年乙巳九主凡二百一十七年金滅之

太祖皇帝姓耶律氏名億字阿保機小字啜里只契丹迭刺部霞瀨益石烈鄉耶律彌里人生卽能匍匐三月能行晬而能言知未然事初爲本部夷離董梁太祖開平元年丁卯遂卽位自稱天皇帝居朔方幽都以扶餘城爲黃龍府追尊皇考爲德祖皇帝立九年明年丙子始建元神冊六天贊

歷代考
四又改天顯改元者三在位一十九年謚
大聖大明神烈天皇帝葬祖陵子四長義
宗讓國皇帝名倍小字圖欲初爲東丹國
人皇王改元甘露後讓國於弟太宗浮海
降唐明宗賜姓名李贊華有五子世宗宋
王婁國平王隆先吳王稍晉王道隱次太
宗三章肅皇帝李胡四牙里杲蚤卒女一
名質古幼未封

太宗皇帝名德光小字堯骨太祖第二子天

顯元年丙戌卽位不改元始建國號曰遼
十二年始改元會同凡九年又改大同凡
十二年改元者二在位二十一年伐晉崩
於欒城謚孝武惠文皇帝葬懷陵子五長
穆宗次齊欽靖王罽撒葛三天德叛誅四
冀王敵烈五越王必攝女二燕國大長公
主次皇女朝瑰未封

世宗皇帝名阮小字兀欲讓國皇帝長子太
宗愛之如子大同元年丁未從伐晉封末

康王太宗崩卽位於柩前改大同元年爲天祿元年在位四年九月爲察割所弒謚孝和莊獻皇帝葬顯陵子三長莊聖太子吼阿不次景宗三寧王只沒女三秦國長公主晉國長公主皇女撒刺未封

穆宗皇帝名璟小字述律太宗長子天祿五年辛亥世宗遇害逆臣察割伏誅九月卽位改元應曆酗酒怠政造大酒器刻爲鹿文名曰鹿甌貯酒以祭天在位一十八年

因醉爲近侍所弒謚孝安敬正皇帝祔葬懷陵

景宗皇帝名賢小字明辰世宗第二子應曆十九年己巳二月穆宗遇害遂卽位改元保寧十乾亨四改元者二在位一十四年謚孝成康靖皇帝葬乾陵子四長聖宗次秦晉國王隆慶三齊孝靖王隆裕四藥師奴未封女四燕國大長公主魏國長公主趙國公主皇女淑哥未封

聖宗皇帝名隆緒小字文殊奴景宗長子十
歲能詩好書翰繪畫精騎射曉音律初封
梁王乾亨四年卽位明年癸未改元統和
二十九開泰九太平十一改元者三在位
四十九年謚文武大孝宣皇帝葬慶陵子
六長興宗次秦國王重元三柳城郡王別
古特四燕王吳哥五狗兒爲南府宰相六
混同郡王侯古女十四宋國長公主秦晉
國大長公主晉蜀國大長公主南陽公主

長寧公主荆國公主潯陽公主臨海公主
同昌公主三河公主仁壽公主金鄉公主
皇女秦哥興哥未封

興宗皇帝名宗真小字只骨聖宗長子初封
梁王太平十一年六月卽位改元景福明
年壬申又改重熙在位二十三年謚神聖
孝章皇帝葬慶陵子三長道宗次宋魏王
和魯幹三秦魏國欽正王阿連女二晉國
長公主鄭國大長公主

道宗皇帝名洪基小字查剌興宗長子初封
梁王重熙二十四年乙未八月卽位改元
清寧十咸雍十大康十大安十壽隆六改
元者五在位四十六年謚仁聖大孝文皇
帝子一昭懷太子濬以讒廢遇害女一秦
晉國長公主

天祚皇帝名延禧小字阿果道宗孫昭懷太
子之子初封梁王爲天下兵馬大元帥壽
隆七年辛巳受遺詔卽位追尊父爲順宗

大孝順聖皇帝改元者三乾統十天慶十
保大五在位二十五年子六長晉王敖魯
幹次梁王雅里三燕國王撻魯四趙王習
泥烈五秦王定六許王寧女六蜀國公主
餘未封爲金所虜初女直兵起渤海高未
昌僭號稱建隆元年立四月尋討平之及
保大五年乙巳宋徽宗宣和七年也金兵
長驅伐遼帝不支遂走夾山取天德軍謀
奔西夏爲金人所擒降封海濱王遼亡

北遼

耶律淳小字涅里興宗孫宋魏王和魯幹之子初封魏王後嗣父位守南京保大二年天祚敗於金入夾山衆將大石等引唐靈武故事奉之卽位稱天錫皇帝改元爲建福謂之北遼淳卒僞謚宣宗孝章皇帝遺詔立秦王定使德妃稱制改元德興凡三年敗於金德妃奔天德軍天祚殺之降淳爲庶人

耶律雅里天祚第二子初封梁王保大三年金師圍青塚寨太保特母哥挾之走陰山天祚失利奔夏乃竊而北走遂奉以卽位改元神曆後諸部多來附日漸荒怠因出射獵致疾而卒年數未詳

西遼

耶律大石太祖八代孫通遼漢字登進士擢翰林承旨歷泰祥二州刺史遼興軍節度使保大二年金兵日逼天祚播越乃立淳爲帝淳卒輔德妃稱制德妃敗死遂自立爲王率鐵騎二百北行過黑水西至大

食國得精兵萬餘威振西域遂卽位自稱
天祐皇帝改元延慶凡三年班師東歸得
善地遂建都城改元康國出師東征行萬
餘里無所得馬牛多死乃班師還在位二
十年歿廟號德宗謂之西遼

感天皇后名塔不煙太子夷列年幼遺命
權國稱制改元咸清在位七年

耶律夷列德宗子卽位改元紹興十三年
歿廟號仁宗

承天太后名普速完仁宗之妹仁宗子幼
遺詔妹權國稱制改元崇福在位十四年
與駙馬弟通殺駙馬駙馬父圍其宮射殺
之

耶律直魯古仁宗次子卽位改元天禧在
位三十四年時秋出獵乃蠻王屈出律以
伏兵八千擒之而據其位遂襲遼衣冠尊
爲太上皇朝夕問起居以侍終焉始德宗
迄直魯古共八十八年而遼絕

金附

始太祖收國元年乙未終哀帝天興三年甲午九主凡一百二十年宋元共滅之

太祖皇帝名旻本名阿骨打世祖第二子其先出靺鞨氏靺鞨本號勿吉古肅慎地也元魏時有七部唐時附高麗五代時在南者臣屬契丹號熟女直其在北有白山黑水號生女直不籍於契丹始祖名函普居完顏部七世而生世祖劾里鉢世祖生十

一子長康宗烏雅東次太祖三魏王幹帶四太宗五遼王杲本名斜也諳班勃極烈六鄭王幹賓七魯王幹者八漢王烏故乃九魯王閣母十沂王查刺十一鄆王昂本名烏特初生女直世為遼節度使太祖立乃不受命因索叛人阿疎起兵伐遼自將攻黃龍府宋徽宗政和五年乙未遂即皇帝位謂遼以賓鐵為號取其堅也然有時變壞惟金堅剛不變壞完顏部尚白而金

色白故國號金建元收國凡二年又改元
天輔六改元者二在位八年謚應乾興運
昭德定功仁明莊孝大聖武元皇帝葬和
陵改睿陵追尊父爲世祖神武聖肅皇帝
子十六長遼王宗翰本名粘罕次嫡徽宗
宗峻本名繩果三宋王宗望本名幹離不
四梁王宗弼本名兀朮五睿宗宗堯初名
宗輔本名訛里朶六曹王烏烈七趙王宗
傑本名木里也八陳王宗雋本名訛魯觀

九潘王訛魯十鹵王訛魯朶十一衛王宗
強本名阿魯十二曹王宗敏本名阿魯補
十三紀王習泥烈十四息王寧吉十五莒
王燕孫十六鄴王幹忽女畢國公主

太宗皇帝名晟本名吳乞買世祖第四子初
爲諱班勃極烈天輔七年癸卯九月卽位
改爲天會元年滅遼入汴執辱二帝在位
一十二年謚體元應運世德昭功哲惠仁
聖文烈皇帝葬恭陵子十四長宋王宗磐

歷代考 卷八
本名蒲盧虎次函王宗固本名胡魯三代
王宗雅四虞王阿魯補五滕王斛沙虎六
薛王宗懿七陳王宗本本名阿魯八翼王
骨懶九豐王宗美十鄆王神土門十一霍
王斛勃束十二蔡王幹烈十三畢王宗哲
十四徐王宗順

熙宗皇帝名亶本名合刺太祖孫景宣皇帝
長子次弟胙王元本名常勝三弟查刺初
熙宗以嫡孫爲諳班勃極烈天會十三年

乙卯卽位追尊皇考豐王爲徽宗景宣皇
帝卽位三年始改元天眷三皇統八改元
者二在位一十四年爲完顏亮所弑謚弘
基續武莊靖孝成皇帝葬思陵子二長皇
太子濟安次魏王道濟女七梁國大長公
主鄂國公主瀋國公主代國公主魯國公
主鄭國公主唐國公主

海陵王名亮本名迪古太祖孫遼王宗翰第
二子爲人僂急多猜忌殘忍任數皇統九

歷代考 卷八
年已巳弒熙宗卽位改元天德凡四年又
改貞元三正隆五改元者三在位一十二
年淫虐無道大舉伐宋至揚州將士聞世
宗立皆叛歸亮爲完顏元宜所弒世宗追
廢爲海陵郡王謚曰煬子四長太子光英
次崇王元壽三宿王矧思阿補四滕王廣
陽女榮國公主

世宗皇帝名雍本名烏祿太祖孫睿宗長子
次弟齊王吾里補初世宗生而胷前有七

黑子如北斗封葛王爲東京畱守正隆六
年辛巳十一月海陵南征遂卽皇帝位於
東京改爲大定元年追尊皇考幽王爲睿
宗簡肅皇帝在位二十九年和議旣成南
北休息謚光天興運文德武功聖明仁孝
皇帝葬興陵子十長鎬王允中次顯宗允
恭本名胡士瓦蚤卒三趙王孰輦四越王
斜魯五越王允功六豫王允成七豫紹王
允濟八夔王允升九鄭王允蹈十曹王允

德女七魯國大長公主吳國公主息國公主道國公主景國公主定國公主宛國公主

主
章宗皇帝名璟小字麻達葛世宗孫太子允恭之嫡子世宗立為皇太孫太定二十九年卽位追尊皇考為顯宗皇帝封兄珣為豐王卽宣宗弟鄆王琮本名承慶瀛王瓌本名歡覲霍王瓚本名阿鄰瀛王琦本名吾里補溫王玠本名謀良虎明年庚戌改

元明昌六承安五泰和八改元者三在位一十九年謚憲天光運仁文義武神聖英孝皇帝葬道陵子六長絳王洪祐次荆王洪靖本名阿虎懶三榮王洪熙本名幹魯不四英王洪行本名撒改五壽王洪輝本名訛論六葛王忒鄰女部國公主

衛紹王名允濟小字興勝世宗第七子初封衛王判平陽府泰和八年入朝奉遺詔卽皇帝位明年己巳改元大安三崇慶一又

至寧一 改元者三 在位五年 大元兵逼元帥胡沙虎以兵入宮自稱監國 逼帝出於故邸 弑之 降封東海郡侯 貞祐四年 追復衛王 謚曰紹子 六長太子 從恪 次任王琚 本名猛安 三輩王瑄 本名按出 四鄭王 按陳 五失名 女一未封

宣宗皇帝名珣 本名吾睹 補顯宗長子 初封豐王 至寧元年 衛王被弑 徒單銘等迎帝於彰德府 入卽皇帝位 明年甲戌 改元爲

貞祐凡四年 又改興定 五天光 二改元者 三在位一十一年 元兵日逼 遷都南京 以避之 謚繼天興統 述道勤仁 英武聖孝 皇帝葬德陵 子四長 莊獻太子 守忠 蚤卒 次荆王 守純 三哀宗 四霍王 玄齡 女溫國公主

哀宗名守緒 初名守禮 小字寧甲 速宣宗第三子 初封遂王 乙酉卽位 改元正大 凡七年 連歲被兵 改開興 又改天興 凡三年 改

元者三在位一十年宋元夾攻圍急傳位於東面元帥承麟是爲末帝未幾城陷哀宗自縊諸禁近舉火焚之謚曰哀宗時宋理宗端平元年也宋將割其首骨埋於大理寺獄以報伐宋之恨金亡

○元

始太祖丙寅稱帝沙漠四主凡五十七年至世祖癸亥遷都燕京至元十三年丙子混一接統盡順帝至正二十七年丁未居中國十

帝凡九十二年通共十四主一百六十二年順帝遜歸沙漠國亡

太祖皇帝姓奇渥溫氏名鐵木真蒙古部人始祖孛端義兒九世生烈祖神元皇帝也速該以征塔塔兒部獲其部長鐵木真適生太祖因以名之烈祖五子長太祖次撻只哈兒王三哈赤溫大王四鐵木哥幹赤斤卽所謂國王幹嗔郝顏也五別里古台王太祖旣立威德日盛諸部降服遂以宋寧宗開禧二年丙

寅乃金太和六年也卽皇帝位於幹灘河以
土德王國號大元滅國四十遂平西夏在位
二十二年皇子拖雷監國一年謚法天啓運
聖武皇帝國中號曰成吉思皇帝子六長朮
赤太子次察合台太子三太宗四拖雷卽睿
宗五兀魯赤六闊列堅太子女昌國大長公
主趙國大長公主也立可敦公主火阿真公
主

太宗皇帝名窩闊台太祖第三子戊子年太祖

崩皇弟拖雷監國奉遺詔卽位明年己丑改
爲元年六年滅金在位一十三年崩壬寅年
六皇后乃馬真氏稱制四年共一十七年謚
英文皇帝子七長定宗次闊端太子三闊出
太子四哈刺察兒王五合失大王六合丹大
王七滅里大王女只兒哈罕公主

定宗皇帝名貴由太宗長子丙午卽位爲元年
在位三年崩謚簡平皇帝時衆議立君未決
凡二年無君共五年而憲宗立子三長忽察

歷代通鑑輯覽 卷八
大王次腦忽太子三禾忽大王女趙國大長
公主巴巴哈兒公主

憲宗皇帝名蒙哥太祖孫睿宗拖雷之子睿宗
十一子長憲宗次忽覲都大王三失名四世
祖五失名六旭烈兀大王七阿里不哥大王
八撥綽大王九末哥大王十歲都哥大王十
一雪別台大王初太宗在潛邸養憲宗爲子
定宗崩議立君二年未決拔都首建議推戴
遂奉卽位以辛亥年爲元在位九年謚桓肅

皇帝子五長班禿大王次阿速及大王三玉
龍答失大王四河平王昔里吉五辨都早卒
女昌國公主

世祖皇帝名忽必烈睿宗第四子憲宗同母弟
庚申卽位於上都始建元中統凡四年遷都
燕京改元至元凡十三年丙子滅宋混一區
宇用夏變夷改元者二在位三十五年至元
三十一年崩壽八十謚聖德神功文武皇帝
國中號曰薛禪皇帝子七長朶兒只大王次

歷代考 卷八
裕宗真金太子三安西王忙哥刺四北安王
那木罕五雲南王忽哥赤六愛牙赤大王七
西平王奧魯赤女四魯國大長公主趙國大
長公主齊國大長公主吾魯真公主

成宗皇帝名鐵穆耳世祖孫裕宗真金之子裕
宗三子長顯宗其麻刺次順宗答刺麻八剌
三成宗至元三十一年世祖崩帝自北邊至
上都卽位明年乙未改元元貞凡二年又改
大德十一改元者二在位一十三年謚欽明

廣孝皇帝國中號曰完澤篤皇帝子一德壽
太子蚤卒女二昌國大長公主趙國大長公
主

武宗皇帝名海山裕宗孫順宗答刺麻八剌之
子順宗三子長魏王阿不哥次武宗三仁宗
武宗初封懷寧王總兵北邊大德十一年成
宗崩無子遂卽皇帝位於上都明年戊申改
元至大在位四年謚仁惠宣孝皇帝國中號
曰曲律皇帝子二明宗文宗

仁宗皇帝名愛育黎拔力八達順宗第二子武宗同母弟初成宗崩宮壺構亂帝率兵誅之以迎武宗武宗立以帝爲皇太子至大四年武宗崩乃卽位明年壬子改元皇慶二延祐七改元者二在位九年謚聖文欽孝皇帝國中號曰普顏篤皇帝子二長英宗次安王兀都思不花蚤殞女闊闊倫公主

英宗皇帝名碩德八剌仁宗長子辛酉卽位改元至治在位三年鐵失赤斤鐵木兒殺丞相拜住遂弑帝於行幄謚睿聖文武皇帝國中號曰格堅皇帝無子

泰定皇帝名也孫鐵木兒裕宗嫡孫顯宗其麻刺之子顯宗三子長泰定帝次梁王松山三湘寧王迭里哥兒不花初世祖以第四子爲北安王鎮北邊北安王薨顯宗以長孫封晉王代之帝爲嗣晉王成宗武宗仁宗之立咸有翼戴功至治三年英宗遇弑羣臣奉皇帝璽綬迎之卽位於龍居河明年甲子改元爲

泰定凡四年又改致和在位四年謚泰定皇帝子四長阿里吉太子次晉王八的麻亦兒間卜三小薛太子四允丹藏卜太子

明宗皇帝名和世竦武宗長子初封周王出鎮朔漠泰定崩文宗與羣臣迎立之天曆二年正月卽位於和寧之北以文宗為皇太子八月次忽察都之地皇太子入見賜宴其臣也里牙等謀不軌帝暴崩謚翼獻景孝皇帝國中號曰護都篤皇帝子順帝寧宗女明慧貞

懿大長公主

文宗皇帝名圖帖睦爾武宗次子初封懷王出居建康致和元年戊辰四月泰定帝崩於上都燕鐵木兒等舉義以兵脅衆迎帝至京師九月卽皇帝位改致和元年為天曆元年時三閱月無君倒刺沙等已立泰定帝子於上都改元天順帝尋遣人擊降之奉表讓位於兄明宗明年正月明宗卽位於行在八月北迎謁於忽察都之地明宗暴崩帝復卽位改

元史卷一百一十五
元至順凡三年改元者二共在位五年謚聖
明元孝皇帝國中號曰札牙篤皇帝子三長
阿刺忒答刺太子次燕帖古思太子三太平
訥太子

寧宗皇帝名懿璘質班明宗第二子初封郕王
至順三年八月文宗崩皇后導揚末命申固
讓初志傳位於明宗之子時長子順帝出居
靜江乃立帝繼大統十月卽位年七歲立二
月而崩謚冲聖嗣孝皇帝

順帝名妥歡貼睦爾明宗長子至順元年明宗
后八不沙被讒遇害遂徙帝於高麗使居大
青島中一載詔天下言明宗在朔漠時素謂
非其已子移於廣西之靜江文宗崩文宗后
立寧宗寧宗崩乃迎立帝癸酉六月卽位於
上都改元者三元統二至元六至正二十七
在位三十五年歲在丁未我

大明兵至通州帝集三宮后妃皇太子百官同
議避兵夜半開健德門北奔沙漠駐於應昌

歷代考 卷八
一年疾殂子三長愛猷識理達臘餘二子未封我

大明皇帝以其知順天命退避而去特加其號曰順帝元亡

謹按元起世祖中統丙子盡順帝至正丁未共計九十二年

元末諸國

宋

韓林兒樂城人先是其父韓山童至正十一

年與潁川妖人劉福通等以紅巾爲號念彌勒佛聚衆作亂山童就擒其妻楊氏與林兒逃之武安福通自陽山夾河迎林兒立爲帝國號宋都亳州建元龍鳳凡一十三年而滅

金

朱光卿廣州增城人元統三年與其黨石崑山鍾大名聚衆反僭卽皇帝位國號大金建元赤符凡七月江西左丞沙的擒赴京

師誅之

天完

徐壽輝本名真一蘄州羅田縣人至正十一年以妖術燒香聚眾為亂亦以紅巾為號僭即皇帝位國號天完都漢陽建元治平凡九年其將陳友諒殺之而自立

漢

陳友諒沔陽人至正二十年弒其僞主徐真一自稱皇帝改國號曰大漢建元大義僭

位四年與

國朝天兵戰於鄱陽湖敗死子理逃還據武昌僭位凡四月而滅

吳

張士誠本名九四泰州白駒場竈戶至正十六年與弟士德士信為亂陷泰州據高郵尋攻破蘇州建以為都遂僭即位國號大吳建元天祐又遣使請命元以為太尉凡一十二年

國朝天兵討滅之

夏

明玉珍四川人至正二十二年據成都明年

僭即皇帝位國號大夏建元天統凡十年

國朝天兵討滅之

謹按起唐帝堯甲辰終元順帝丁未通計

三千七百二十四年至我

大明皇帝萬世萬世萬萬世

歷代帝王曆祚考卷之八終

商山李園藏板

音釋

一卷

昊 音浩 羲 音希 處 音復 胤 音因 媯 音瓜 蚩 音直

筴 音策 矯 巨矯切 顓 音專 頊 音畜 鯨 音滾 學 音谷

灸 音透 亳 音博 尚 音屑 羿 音義 泥 音捉 畋 音田

澆 公堯切 豷 於計切 梟 音奧 蔡 涖淄切 娥 音娥 亶 音但

赧 女版切 郤 音胎 釗 音昭 緊 音衣 扈 音戶 韞 艱字

燮 音屑 辜 音孤 涅 音涅 雒 音洛 佗 音駝 釐 里之切

閻 音浪 櫟 音歷 翟 直格切 號 音國 頽 音桃 紂 音屬

汜 音似 甄 音堅 訾 音紫 爽 音霜 嵬 音危 揭 音結

鞏 音拱 靚 音爭 謚 音示 姑 音吉 媿 音榮 摯 音至

肩 音恭 丐 音蓋

二卷

酋 音囚 煬 音樣 潰 音佛 凜 音譬 湟 音皇 輦 音輝

娣 音弟 醜 音丹 犖 音洛 溘 音閔 莒 音主 邢 音刑

汶 音問 羸 音盈 佞 音倭 稠 音倒 屯 音君 佚 音逸

殤 音傷 鱣 音善 却 音綺 絳 音降 繆 音木 臀 音豚

據 音具 曼 音萬 彪 音甫 頎 音其 庚 音帝 碣 音鵲

黔 音虔 燬 音毀 咍 音脰 邀 音丑 衍 音看 甯 音佞

蒯 音快 贖 音外 輒 音決 糾 音偷 壘 音尾 兕 音似

儵 音叔 踰 音論 繻 音儒 憚 音蘊 蠱 音瘥 駘 音臺

奭 音適 噲 音快 繇 音由 郢 音影 檇 音醉

三卷

豎 音恕 潘 音番 歎 音出 杼 音佇 芮 音而 茶 音徒

鶩 音敖 貸 音代 鮒 音付 泓 音翁 桴 音端 購 音搆

媯 音歸 闕 音過 拓 音托 颯 音石 翳 音意 甸 音蓋

弗 音弗 蘧 音渠 蔕 音除 夔 音脚 且 音蛆 虺 音毀

芊 音米 坼 丑格 嬪 音會 錢 音簪 鄩 音貴 捰 音行

黜 音旦 疵 音慈 蚡 音忿 冒 音昧 貲 音資 鄆 音煙

邲 音夾 蜚 音飛 汧 音謙 渭 音胃 鄜 音祿 時 音侍

蟬 音爭 啜 音罌 躁 音竈 沈 沉字 疆 強字 臙 毗忍

邨 音宿 淖 音鬧 邨 音寒 鄆 音丹 浣 音喚 戍 音樹

邾 音談 島 音倒 塞 音賽 薊 音計

四卷

嫖 音票 邛 音窮 膊 音博 閔 音宏 刺 音次 婕 音接

婦 音孺 湛 音賺 痿 音威 痺 音避 展 衣豈 欒 力充

春 音冲 識 音櫬 續 音尹 昞 音丙 沁 音信 烜 音烜

伉 音光 慧 音惠 蠡 音離 禧 音希 萇 音長 檄 音吸

紆 音于 弇 音掩 胸 音蠹 龐 音忙 羌 音匡 昱 音育

隗 五罪切 恚 音穢 耐 音紂 璿 音旋 嵩 音松 瞞 音漫

玳 音玄 郿 音眉 緹 儒佳切 邕 音雍 叡 音位 奐 音喚

暈 音灣 寘 音觥 磧 音莽 寇 音褒 璽 音死 鑠 式灼切

睢 音趨 翊 音逸

五卷

掾 音濫 佃 音宙 彤 音融 毗 音皮 瑋 音葦 乂 音義

東 簡字 祇 音奇 頰 音影 詔 音許 戇 陟降 駮 五該

通 音聿 羨 餘亮 瓘 音灌 氏 音低 頤 音委 罔 音扁

顛 音容 眵 音沴 嵇 音奚 虺 音求 瓌 音販 扼 音厄

枢 音白 庾 音愈 珉 音民 榮 余傾 組 音祖 睿 音銳

裹 音果 晞 音希 樞 音講 榘 音保 聃 音丹 餌 音二

耽 音丹 疑 音疑 鄙 音婆 冒 音墨 頓 音的 單 音禪

于 音如 靳 居欣 匍 音背 羯 音結 雋 俊字 虜 音會

氈 音晃 曄 音煒 跋 蒲撥 苻 音夫 淝 音肥 肘 陟柳

沮 七如 渠 子魚 纂 作管 僇 奴各 檀 內沃 暘 音昊

燉 音屯 煌 音皇 歆 音欣 犍 其焉 宕 音蕩 雄 雄字

磨 乃具 切

六卷

翹 音喬 劬 音邵 濬 音信 昶 音敞 倩 音青 助 音薰

琇 音秀 彘 于六 劇 音貴 映 音印 晃 音潢 曄 音葉

鉅 音求 鉉 音炫 懋 音茂 郗 音希 愴 音且 攜 音携

瀏 音劉 昕 音欣 簪 察字 警 音速 樛 音鳩 閣 音各

緜 音嗔 禧 音茜 曇 音潭 恹 音筌 歸 山追 詰 音乞

奄 弋支 猗 於離 燾 徒到 麤 音加 颯 協叶 桃 音挑

瘠 音因 脩 音踢 菟 音圖 潜 音諧 凝 音迎 湜 音寔

液 音尤 珩 音行 琬 音遠 崇 音歲 獺 音答 蕞 音轟

曩 音閉 道 音由 毓 音育 糙 音堆 贊 音賓 闡 音諂

那 難可切 蠶 音逢 暎 音見 杲 音稿 倓 音談 伺 音通

侑 音育 鄣 音携 臬 音交 邃 音遂 貝 音背 泊 音撥

賂 音路 晟 音盛 祐 音石 勣 音積 稜 來登切 迦 音加

擲 音只 礫 音力

七卷

駟 音丙 涖 音虧 艷 音豐 墨 照字 夔 音岳 撝 音揮

郎 音息 狽 音貝 郜 音告 琚 音居 瑛 音英 琰 音演

瑁 音昌 璘 音林 璪 音絞 琦 音奇 璪 音景 玼 音此

珙 音拱 璠 音遂 瑤 音姚 琮 音叢 環 音還 璵 音殿

璿 音旋 玢 音斌 瑄 音皇 璆 音求 珂 音軻 似 薄必切

倜 音險 佺 音誕 鄆 音運 僨 音黃 倕 音垂 侶 音韶

倣 音觸 暹 音宣 諲 音甄 誠 音咸 諛 音原 諶 音臣

澈 音敘 郇 音詢 絢 音炫 綺 音啓 緗 音襄 統 音膽

緄 音滾 紆 音舒 潯 音尋 憬 音拱 澧 音禮 沔 音勉

忱 音充 惴 音墜 愼 音探 憤 音冊 愔 音因 湊 音奏

溶 音容 朗 音明 峴 音現 嶧 音驛 嵯 音銜 泐 音芮

澆 音雍 淮 取猥 佶 音吉 偏 音侃 儗 音喧 煜 音盪

禡 音雨 禊 音係 祕 音必 祺 音計 禋 音因 禕 音揮

禛 音真 禔 音是 覲 胡狄 軋 音押 盲 音蒙 率 音速

偃 音羽 瘵 許金 癯 權俱 泚 音姊 剽 音倭 掠 音略

旻 音民 窖 古孝 鏐 音流 詒 音移 碣 音蕩 勗 音旭

嶢 音堯 岌 音乙 璵 音忝 顛 音浩 昇 音弁 濠 音豪

煜 音浴 駢 音胼 俘 音夫 瑄 音宣 龔 音儼 拉 音臘

恁 音任 鱗 音林 涵 音免 硖 音夾

八卷

炅 柱拱 份 音續 倨 音岳 僦 音稱 昉 音訪 曦 音希

曙 音恕 頽 居筠 倜 音踢 价 音介 俣 音語 煦 音香

檉 音稱 栩 音許 櫟 音鄂 楨 音英 樾 音越 槿 音延

椶 音建 榘 音岳 榑 音惠 樅 音宗 脊 慎字 論 音解

攢 音攢 愔 音欺 竣 音峻 竝 音宏 昀 音勻 璪 音盧

禭 音其 昱 是字 曷 音炳 焜 音顯 矚 音光 縶 音墜

纛 音導 筠 音云 棒 步項 曩 音囊 輶 車捨 覲 音現

醉 音醉 甌 音武 鞞 莫掇 鞞 何葛 瀋 音噴 窩 音阿

壺

音捆

菴

音菴

拖

音拖

哈

音惡

郝

音郝

訛

音囫

諳

音安

阿

安可切

瀨

音賴

番語解

宵

歡嘉也

石烈

官之長

彌里

鄉之小

夷離董

統軍馬大官

撒刺

酒樽名

淑哥

興

吳哥

泰

查刺

地名

粘罕

心

幹離不

羔也

兀术

頭

訛

犬

阿魯

貴顯稱

諳班勃極烈

尊貴官

胡魯

戶長

蒲盧

布囊

蒙哥

長生也

不花

牛

忽察都

地名

曆祚考後序

曆祚考者何考歷代帝系相傳

之大端也曷云曆祚帝王禪代

皆緣天授曆者經天者也天之

運雖靡常而稽其數則卜年卜

世紀是矣祚者承天者也天之

命至有赫而要其歸則閏統正

統總是矣故天不可考而歷代
興廢則皆已定之天舍斯二者
固莫以名茲編也予弟康侯輯
此蓋亦有年離句摘剽集似規
管竇然而一君述其始末一朝
溯其源委一統別其離合亘數
百千禩而若珠貫若頌挈抑何
簡而便約而該若是則帶河四
兄業序之悉矣會予歸自京師
理舊業康侯復以質予予惟讀
史者廣識貴綜其詳核實貴提
其要自

制科沿於末流而史學曾不遑
一瞬往往開卷若面識掩卷若

無睹至有二三試而紀年間標
於叔季者且茫然莫知所出孰
謂陰陵大澤中有此捷徑可尋
也蓋康侯髫髻時故同研席警敏
能強記予每每心折而乃今睹
此一編更有出居常所素刮目
者寧惟家學中推多聞益友抑

於曠世後稱古帝王功臣矣勉
之哉毋務墮成勞而別天管外
亦毋務居成勞而域天管中試
思彼若何而曆數有脩短若何
而國祚有隆替亦惟是穆穆者
不可測而業就至詳考至要又
更就至要考至精則論世即以

知人知人即以知天而從是已
定者通之未定者雖以銘六宸
鑑億載可也又直功在往古也
乎康侯矍然避席曰非敢必有
功也聊以備家塾考覽惟毋棄
我而終勉之幸甚請筆以志其
成

岿

萬曆辛丑長至日書於季園

吳繼衷





